



Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 21/01/2026

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministere fir Finanzen & Justiz weiderzeleeden.

Am Kader vun de Gesetzer zur Bekämpfung vun der Geldwäsch an der Finanzéierung vum Terrorismus a kriminellen Aktivitéiten goufen an de leschte Joren ëmmer méi Kontrollen agefouert, fir Finanztransaktiounen z'iwwerwaachen.

Allerdéngs gëtt et ëmmer méi Kritik vu ville Säiten, well et schéngt wéi wa verschidde vun dëse Kontrollen iwwer d'Zil erausschéissen. Sou mussen zum Beispill Bankclienten, déi Boergeld vun hirem Bankkonto wëllen ophiewen, der Bank am Virfeld Auskonft driwwer ginn, fir wat d'Sue genotzt ginn. D'Bank deet sech heibäi a verschiddene Fäll net mat einfachen Erklärungen zefridden, mee freet och nach Beweisdokumenter, wéi zum Beispill Devisen fir de Kaf vun Artikelen.

Dëst wërt d'Fro op, ob d'Kontrollen net virun allem gesetzestrei Bierger:innen trëfft an ënner Generalverdacht setzt, déi faktesch net méi fräi iwwert hir eege Sue verfuge kënnen, während Krimineller ganz aner Méiglechkeeten notzen, fir dës Kontrollen z'ëmgoen. Vill privat Bankclienten fillen sech bei dëse Kontrollen enger Willkür vun de Banken ausgesat.

An deem Zesammenhang wëilt ech de Ministeren dës Fro stellen:

1. Op wéi enger konkreter gesetzlecher Grondlag dierfe Banken zu Lëtzebuerg bei Borgeldophiewungen de Client nom Zweck vun der Notzung froen?
2. Dierf d'Bank eng Borgeldophiewung refuséieren a falls jo, wéi kann ee Client sech dogéint wihren?
3. A wéi enge Fäll dierf eng Bank no Beweisdokumenter froen, fir eng Borgeldophiewung z'erlaben?



4. Wéi sollen sech Bankclient uleeën an u wien solle si sech wenden, wa si mengen, dass hir Bank eng willkürlech Decisioun geholl huet?
5. Wéi vill Reklamatiounen vu Clienten sinn wéinst Decisiounen an dësem Kontext bei de fir Banken zustännegen öffentleche Verwaltungen agaangen?
6. Wéi eng Richtlinnen oder Empfehlungen vum Staat oder der CSSF existéieren, déi d'Borgeldophiewungen encadréieren, a wéi gëtt verhënnert, datt et zu willkürlechen oder disproportiónéierte Kontrolle kënt oder d'Donnéeën vun de Clienten mëssbraucht ginn?
7. Wéi eng öffentlech Verwaltungen hunn een direkten Zougrëff op d'Clientsdonnéeën bei de Banken?
8. Wéi eng öffentlech Verwaltungen kënnen sech een Zougrëff op d'Clientsdonnéeën bei de Banken ufroen, zum Beispill am Kader vu Kontrollen?

Mat déiwem Respekt,



GOERGEN Marc
Deputéierten

